

詩
毛
氏
傳
疏

陳石父先生三小像



西吳廣升旭寫

南園舊宅以水連壘儲祥毓秀
萬生先生資產不問簪黻勿
榮下帷覃思發藻儒林祖述
爰光顯西京跨鯁越孔閨姬
趙羸道氣載覓海內儀形

受業

吳縣潘遵祁謹贊
長洲汪獻野敬書

詩毛氏傳疏目次

敘 凡例

國風

周南召南第一冊

邶庸衛第二冊

王鄭齊魏唐第三冊

秦陳檜曹幽第四冊

小雅

鹿鳴南有嘉魚第五冊

鴻雁節南山第六冊

谷風甫田魚藻第七冊

大雅

文王生民第八冊

蕩第九冊

頌

周頌魯頌商頌第十冊

圻

毛詩音說義類

鄭氏箋攷徵第十二冊

目次終

敘曰。晉者。周公制禮作樂。詩爲樂章。用諸宗廟朝廷。達諸鄉黨。邦國當時賢士大夫。皆能通於詩教。孔子以詩授羣弟子。曰。小子何莫學夫詩。又曰。不學詩。無以言。誠以詩教之入人者。渙而聲音之道。與政通也。卜子子夏親受業於孔子之門。遂彙括詩人本志。爲三百十一篇作序。史記云。詩三百五篇。孔子皆弦歌之。此不數傳至數六笙詩也。子夏作序時。六笙詩尚存。六國時。魯人毛公依序作傳。其序意有不盡者。傳乃補綴之。而於詁訓特詳。授趙人小毛公。毛公名亨。作詩詁訓。傳小毛公名萇。爲河間獻王博士。漢書儒林傳不得其詳。真詩當秦燔錮禁之際。猶有齊魯韓三家詩萌芽。聞出三家多採襍說。與儀禮論語孟子

春秋內外傳論詩往往或不合三家雖自出於七十子之徒然而孔子既沒微言已絕大道多岐異端共作又或偕以諷動時君以正詩爲刺詩違詩人之本志故齊魯韓可廢毛不可廢齊魯韓且不得與毛抗衡況其下者乎漢興齊魯韓先立學官置博士而毛僅僻在河閒平帝末得立學官遂遭新祿班孟堅說詩魯最爲近之者素習見聞而云然也東京已降經術粵隆若鄭仲師賈景伯許叔重馬季長稍稍治毛詩然在廷諸臣猶尚魯訓兼習韓故鄭康成殷居漢季初從東郡張師張恭祖學韓詩後見毛詩義精好爲作箋亦復閒襍魯詩并參

己意固作箋之旨實不盡同毛義及至魏晉鄭學既行雖以王子雖不好鄭氏力極申毛難鄭究未得毛之精微唐貞觀中孔沖遠作正義傳箋俱疏於是毛鄭兩家合爲一家之書矣兩漢信魯而齊山魏晉用韓而魯山隋唐以迄趙宋稱鄭而韓亦山近代說詩兼習毛鄭不分時代毛在齊魯韓之前鄭後四百餘載不尚專脩毛自謂子夏所傳鄭則兼用韓魯

不審鄭氏作箋之旨而又苦毛義之簡渙猝不得其涯際漏辭偏解迄無鉅觀二千年來毛雖存而若山有固然已矣不揣樸昧沈研鑽極畢生思慮會萃於茲竊以毛詩多記古文倍詳舛典或引申或假脩或互訓或通

釋或文生上下而無害。或辭用順逆而不違。要明乎世
次得失之迹。而吟詠情性。有以合乎詩人之本志。故讀
詩不讀序。無本之教也。讀詩與序而不讀傳。失守之學
也。文簡而義贍。語正而道精。洵乎爲小學之津梁。羣書
之鈐鍵也。初放爾雅編作義類。凡聲音訓詁之用。天地
山川之大。宮室衣服制度之精。鳥獸草木蟲魚之細。分
別部居。各爲揅索。久乃剗除條例章句。揉成作疏。攷漢
書藝文志。毛詩二十九卷。毛詩故訓傳三十卷。此蓋以
十五國風爲十五卷。小雅七十四篇爲七卷。大雅三十
一篇爲三卷。三頌爲三卷。合爲二十八卷。而序別爲一

卷故爲二十九卷。毛公作故訓傳時，以周頌三十一篇爲三卷，而序分冠篇首，故合爲三十卷。今分作三十卷者，仍毛詩舊也。古經傳本各自爲書，自傳與箋合併而久失原書之舊。今置箋而疏傳者，宗毛詩義也。憶自髦

飾聞脩趨承庭訓，依奉慈規。

父諱植與叔父樸季父格同產以樹德勛子世稱丈

芸先生母趙安人

私淑先師之緒，博訪通人之語，擷取先秦之

舊說，擧擇末漢之異言，墨守之譏亦所不辭，而鼠璞之譽庶幾免焉。若夫作者之聖，述者之明，卓乎篇章粲然大備，欲達治亂之原，以懷聖賢之教，其將有竣於天下後世之言詩者。長洲舊籍隸崇明陳奐碩甫氏謹撰。

條例十凡

凡寫字體恭遇

列聖廟諱恪遵

高宗純皇帝刊行 武英殿五經敬缺末筆恭遇

御名恪遵

聖諭上一字敬缺中點作曼下一字敬改中畫作寧

凡詩有四今以詩爲建首而以毛氏傳別之曰詩毛氏詁訓傳詩是書之名毛氏爲作傳人姓別於齊魯韓三家

凡全書初從校宋小字本不減改字後獲見原宋本

譌踏脫落難於依據今其甚誤處或從善本訂正而宋本之舊誤仍辨載於疏

凡傳文中屢入箋語及脫句脫字依據善本增補若傳文中衍句衍字及有疑義皆不加刪削唯表明於疏而已

凡經傳相行通用之字如關雎在河之洲洲卽州之俗而仍用洲字不改不妨從俗也疏中則表明之如葛覃傳中貌字葉石林鈔本釋文皆從古文作皃今疏中從古作皃而傳仍作貌所引之書皃貌悉從本書故字體不能盡一此其大概也

凡齊魯韓三家與毛同字同義異字異義者廣採之
其有不合者辨證之。散見於六朝以後者則從略
凡後人所引傳文意有增益不足徵信者不載
凡援引古書從善本校本與今流俗本不同其注釋
閒引用它說與原注亦不必盡同或著明之不悉著
明也

凡傳注唯毛詩最爲近古義又簡括其訓詁與爾雅
詳略異同相爲表裏。至于一切禮數名物由漢而來
無人稱引遂輒晦不彰故博引古書廣收前說講明
而條貫始可以發數千年未明之義大抵用西漢前

人之說而與東漢人說詩者不能苟同也

凡毛氏之學其源出於荀子而善承毛氏者唯鄭仲師許叔重兩家周禮注說文解字多所取說其餘先儒舊說不悉備載亦不復駁難有足以申明毛氏者鄭箋孔疏與近人說詩家亦皆取證

此疏之作始於嘉慶壬申從學段氏若膺先生於蘇郡白蓮橋枝園親炙函丈取益難數而成於道光庚子杭郡西湖水北樓友人汪亞虞聳恿爲之亞虞名适孫遠孫之弟有振綺堂藏書極富庚子四月六日開雕丁未八月七日雕成埒記始末於此

詩毛氏傳疏卷一

長洲陳奐學

周南關雎詁訓傳第一 毛詩國風

周南之國十一篇三十四章百五十九句疏南南國

漢之域周雍州地名在岐山之陽譙周司馬貞說本
大王所居扶風雍東北故周城是也周公食采於周
故曰周公當武王成王之世周公在王朝為陝東之
伯率東方諸侯攝政五年營治東都王城六年制作
禮樂遂以文王受命以後與己陝內所采之詩編諸
樂章屬歌於大師名之曰周南豈先師金壇段氏玉
裁毛詩小箋云章句既移篇前則都數
宜在此毛三十四章鄭始三十六章

關雎三章一章四句二章章八句疏今本分章作

言陸德明釋文云五章鄭所分故言毛公本意後
放此是也小箋云各本章句在篇後孔穎達正義

云定本章句在篇後然則孔本章句在前可知也
杜甫以曲江三章章五句爲題書於前知唐本多
此如

關雎后妃之德也風之始也所以風天下而正夫婦也
故用之鄉人焉用之邦國焉風風也教也風以動之教
以化之詩者志之所之也在心爲志發言爲詩情動於
中而形於言言之不足故嗟歎之嗟歎之不足故永歌
之永歌之不足不知手之舞之足之蹈之也情發於聲
聲成文謂之音治世之音安以樂其政和亂世之音怨
以怒其政乖亡國之音哀以思其民困故正得失動天
地感鬼神莫近於詩先王以是經夫婦成孝敬厚人倫

美教化移風俗。故詩有六義焉。一曰風。二曰賦。三曰比。四曰興。五曰雅。六曰頌。上以風化下。下以風刺上。主文而譎諷。言之者無罪。聞之者足以戒。故曰風。至于王道衰。禮義廢。政教失。國異政。家殊俗。而變風變雅作矣。國史明乎得失之迹。傷人倫之廢。哀荊政之苛。吟咏情性。以風其上。達於事變而懷其舊俗者也。故變風發乎情。止乎禮義。發乎情。民之性也。止乎禮義。先王之澤也。是以一國之事。繫一人之本。謂之風。言天下之事。形四方之風。謂之雅。雅者正也。言王政之所由廢興也。政有小大。故有小雅焉。有大雅焉。頌者美盛德之形容。以其成

功告於神明者也是謂四始詩之至也

疏

總論全詩風小大雅頌皆

以文王詩為始關雎風始鹿鳴然則關雎麟趾之化王

小雅始文王大雅始清廟頌始然則關雎麟趾之化王

者之風故繫之周公南言化自北而南也鵲巢騶虞之

德諸侯之風也先王之所以教故繫之召公周南召南

正始之道王化之基

疏

總論二南文王受命為西伯三分天下有其二以服事殷雖行

王者之事猶循諸侯之職二南同風也

是以關雎

逗

樂得淑女以配君子

憂在進賢不淫其色哀窈窕思賢才而無傷善之心焉

是關雎之義也

疏

總論關雎論語八佾篇云關雎樂而不淫哀而不傷此孔子論詩釋關雎

之義而子夏作序之所本也毛公之學出自子夏故傳

與序無不合釋文沈重云鄭詩譜意大序是子夏作小

序是子夏毛公合作然則毛詩真得聖人之教者矣劉

向列女傳仁智篇楊雄法言孝至篇司馬遷史記十二

諸侯年表序儒林傳序班固漢書杜欽傳范曄後漢書
明帝紀皇后紀馮衍傳楊賜傳張衡傳所引皆申培魯
詩又李賢注明帝紀馮衍傳引薛方上韓詩章句竝以
開雖爲刺詩然開雖三章周公已用合鄉樂作爲房中
之樂箬於儀禮鄉飲酒燕等篇三家
詩別有師承不若毛詩之得其正也

關關雎鳩在河之洲傳興也關關和聲也雎鳩王雎也

鳥摯而有別水中可居者曰洲后妃說樂君子之德無

不和諧又不淫其色慎固幽澹若雎鳩之有別焉然後

可以風化天下夫婦有別則父子親父子親則君臣敬

君臣敬則朝廷正朝廷正則王化成窈窕淑女君子好

逑傳窈窕幽閒也淑善逑匹也言后妃有關雎之德是

幽閒貞專之善女宜爲君子之好匹疏興也者詩託關雎以爲興也序

云詩有六義二曰賦三曰比四曰興周禮大師教六詩其次弟與詩序同鄭玄注云賦之言鋪直鋪陳今之政教善惡鄭司農眾注云比者比方於物興者託事於物禮記樂記云人生而靜天之性也感於物而動性之欲也物至知知然後好惡形焉蓋好惡動於中而通屬於物假以明志謂之興而以言乎物則比矣而以言乎事則賦矣要迹其志之所自發情之不能已者皆出於興故孔子曰詩可以興凡託鳥獸草木以成言者皆興也賦顯而興隱比直而興凡曲傳言興凡百十有六篇而賦比不之及賦比易識耳余友長洲吳兢汾說○開關和聲開古讀如管如管叔墨子作關叔之本也顧野王玉篇義爾雅釋詁開關音聲和也此傳所本也通作關許開關和鳴也或為官丁度集韻管音和鳴也顧野王玉篇慎說文解字無官字唯鳩王唯爾雅釋鳥大郭璞注云雕類今江東呼之為鸛昭十七年左傳疏云雕鳩氏司馬也杜預注云王雉正義引陸機毛詩義疏云雉鳩氏大小如鴝似鴝尾上白骨案許說見說文而揚說未聞太平御覽鴝鵒於義無取蓋蒼鵒大於白鷺面色蒼其鳴戛和

順又遊於水而息於洲常隻不雙此又謂雌鳩非白鷺
矣杜注左傳及戴侗六書故雖下引毛傳擊而有別擊
上無鳥字郭注爾雅引有鳥字與今本同定本作擊
文擊本亦作擊與擊通擊有別者雌雄別居劉安准
南子泰族篇云關雎興於鳥而君子美之為其雌雄之
不棄居也王肅偽家語好生篇略同又列女傳仁智篇
雌鳩之身猶未嘗見棄居而匹處也三家說與毛傳言
有別義合洲當作州說文川部引詩作州徐鉉云今別
作洲非是水可居者曰州爾雅釋水交酈道元水經
河水注河水又南漢水入焉水出汾陰縣南四十里面
去河三里與邵陽漢水夾河中渚上又有一漢水皆潛
相通故呂忱曰爾雅異出同流為漢水案漢水即治水
古華國地在治水北而東鄰大河其河渚疑即河州故
處余友嘉定朱右曾詩地理徵云文王后妃大姒邵陽
人也故詩人詠之以河州起興今陝西同州府邵陽縣
東四十里大河經流傳云后妃說樂君子之德無不和
諸者即申釋關關和聲云又不淫其色慎固幽淡若雌
鳩之有別焉者雌鳩宋小字本作關雎岳本不誤此即
申釋摯而有別所謂樂而不淫也君子謂文王也言后
妃之德必本諸文王也傳既釋字之訓又釋經之義全

詩傳例如此也。然後可以風化天下。以下又推廣言之。總括二南二十五篇。序發周南召南。正始之道。成此其義也。基騶虞序云。人倫既正。朝廷既治。則王道成。韓嬰詩外傳。孔子與子夏論關雎。天地之間。生民之屬。王。道之原。不外此矣。韓外傳。與毛義同。○傳。詰。窮。究。幽。閉。爾。雅。冥。窮。也。幽。淡。也。窮。肆。也。窮。閒。也。窮。言。婦。容。婦。功。后。妃。在。父。母。家。有。如。是。也。楊。雄。方。言。云。美。言。婦。容。婦。功。后。妃。在。父。母。家。有。如。是。也。楊。雄。方。言。云。美。心。為。窮。美。狀。為。窮。釋。文。引。王。肅。述。毛。云。善。心。曰。窮。張。揖。廣。雅。窮。究。好。也。又。窮。究。淡。也。蕭。統。文。選。顏。延。年。秋。胡。詩。李。善。注。引。韓。詩。章。句。窮。究。淡。也。蕭。統。文。選。義。拉。相。通。淑。善。釋。詁。文。君。子。偕。老。韓。奕。同。說。文。取。善。也。聘。禮。倣。獻。通。淑。善。釋。詁。文。君。子。偕。老。韓。奕。同。說。文。取。善。也。國。稱。女。釋。文。述。本。亦。作。淑。古。淑。倣。聲。通。公。羊。傳。云。女。在。其。素。無。衣。賓。之。初。筵。皇。矣。傳。拉。訓。仇。為。匹。孫。炎。本。仇。作。迷。嘉。配。耳。大。明。傳。文。定。厥。祥。言。大。姒。之。有。文。德。也。卽。此。云。君。子。好。仇。也。焦。延。壽。易。林。履。妬。云。雎。鳩。淑。女。配。也。卽。此。云。子。又。為。貞。專。皆。其。德。之。善。言。后。妃。有。是。德。是。謂。之。善。女。友。

乎爲君子之好配也序云是以開雎樂得淑女以配君子言作關雎詩者在得淑女配君子也東門之池序思得賢女以配君子車牽序周人思得賢女以配君子義竝同漢書匡衡傳妃匹之際生民之始萬福之原婚嫁言之禮正然後品物遂而天命全孔子論詩以關雎爲言大上者民之父母后夫人之行不侔乎天地則無以奉神靈之統而理萬物之空故詩曰窈窕淑女君子好仇言能致其貞淑不貳其操情欲之感無介乎容儀私之意不形乎動靜夫然後可以配至尊而爲宗廟主此網紀之首王教之端也案匡學轅固齊詩亦與毛詩合列女傳母儀篇引詩作述讀如左傳怨耦曰述而釋之云言賢女能爲君子和好眾妾鄭玄作箋云后妃善如能爲君子和好眾妾之怨耦木箋后妃能和諧眾妾不嫉妬其容貌鄭亦以淑女指后妃唯以好仇爲和好眾妾義本三家說耳正義謂后妃思得淑女以配君子失傳箋之指矣

參差荇菜左右流之傳荇接余也流求也后妃有關雎

之德乃能其荇菜備庶物以事宗廟也窈窕淑女寤寐

求之傳寤寐寢也求之不得寤寐思服悠哉悠哉輾

轉反側傳服思之也悠思也疏參差爾說文木部引詩作

其葉葍葍釋文著本亦作葍說文作葍接說文作葍葍顏之

推家訓書證篇苻先儒解釋皆云水草圓葉細莖隨水

淺淡今是水悉有之黃華似葍賈思勰齊民要術卷九

引義疏云接余其葉白莖紫赤正圓徑寸餘浮在水上

根在水底莖與水淡漫等大如釵股上青下白以苦酒

浸之為蒹蒹莖美可案酒其華蒲黃色古流求同部流本

不訓求而蒹蒹訓云爾者流讀與求同其字作流其意為

求此古人假借之法也郭注云依聲託訓者例此爾雅釋言

流求也釋詁流擇也郭注云見詩是三家詩或用釋言

文訓流為擇與下章采之筆之一例作解毛用釋言交

求之即緣下文寤寐求之立訓云后妃有關係之德亦

豕上章與義為說言后妃之德如此乃能其苻菜備庶

物以事宗廟也所以釋經言苻菜之義召南采苻菜助祭

則知苻菜亦以事宗廟公侯夫人執蘇菜不求備物此

王后其苻菜備庶物也○寤寐思服寤寐思服寤寐思

求此善女也箋謂求三夫人九嬪以下賢女與傳義異

也服思疊韻傳以思之釋經之服寤寐思之猶云寤寐求之也則經中思字爲助詞無實義漢廣文王傳皆云思詞也思爲句首句末之詞又爲句中詞悠悠思也釋文輟本亦作展夾重言曰悠悠爾雅釋訓悠悠思也釋文輟本亦作展呂忱從車展則輟始見於呂忱字林古作展必矣說文展轉也今隸變作展廣雅展轉反側也何人斯箋反側展轉也展與轉同義展轉又與反側同義重言之者思之甚至不安斯寢此所謂哀而不傷也正義引王肅云哀窈窕之不得思賢才之良質無傷善之心焉若苟慕其色則善心傷也

參差荇菜左右采之窈窕淑女琴瑟友之傳宜以琴瑟

友樂之參差荇菜左右芣之傳芣擇也窈窕淑女鍾鼓

樂之傳德盛者宜有鍾鼓之樂疏芣首傳采取也傳例

言琴瑟友之傳云友樂之者兼釋下鍾鼓樂之句友之言讀如相親有之有樂之樂讀如喜樂之樂於琴瑟言友於鍾鼓言樂互詞○芣者現之假俗字玉篇引詩作左右現之說文云現擇也讀若苗禮記少儀篇爲君子

擇蔥薤則絕其本末呂覽慎人篇顏回擇菜於外皆與
傳擇字同義擇者去其根莖也爾雅茅舉也擇舉義相
近鍾當作鐘今經典通作鍾傳云鍾鼓之樂者此樂讀
為禮樂之樂鍾鼓為樂則上文琴瑟亦為樂琴瑟常御
鍾鼓非恆設故傳以有鍾鼓為德盛實亦互詞也凡樂
琴瑟在堂上鍾鼓在堂下開雖為房中之歌則燕樂有
鍾鼓○案宜以琴瑟友樂之釋琴瑟友之句德盛者宜
有鍾鼓之樂釋鍾鼓樂之句蓋漢初經與傳本各自為
書傳箋不分久相襍廁複經之句每任意刪去有在本
句下者其文易明有不在本句下者其理難曉易明者
仍之而不補難曉者隨文移改令詩節次昭然其喻學
者知非毛氏之舊而巳全詩放此

葛覃三章章六句

葛覃后妃之本也后妃在父母家則志在於女功之事
躬儉節用服澣濯之衣尊敬師傅則可以歸句安父母
化天下以婦道也

葛之覃兮施于中谷維葉萋萋傳興也覃延也葛所以

爲絺綌女功之事煩辱者施移也中谷谷中也萋萋茂

盛貌黃鳥于飛集于灌木其鳴喈喈傳黃鳥搏黍也灌

木藜木也喈喈和聲之遠聞也疏案此興義與鴛鴦篇

而舉葛以言興者廣其義也此言近而指遠也生民傳覃

長也延長義相近葛所以爲絺綌采葛同說文葛絺綌

艸也傳云女功之事煩辱者接下章是刈是穫爲絺綌爲

綌而言箋云習之以絺綌煩辱之事煩辱勞苦之意施

移雙聲移亦延也陸德言廣韻移延也中谷谷中此倒

句法中谷有雅同凡詁訓中多用此例萋萋茂盛貌葉
林宗鈔本釋文作兒此可見傳中貌字古本皆作兒字
文選潘岳藉田賦注引韓詩章句亦云萋萋盛也葛長
谷中萋萋日茂盛后妃之在父母家猶如是也○詩黃
鳥五見此傳云黃鳥搏黍也小雅黃鳥傳黃鳥宜集木
啄栗者黃鳥啄栗故一名搏黍秦風交交黃鳥傳交交

小鬼黃鳥為小鳥與七月傳倉庚離黃不同物則知自
來說黃鳥者皆不得其方言鸛黃自關而東謂之倉
庚自關而西謂之鸛黃或謂之黃鳥或謂之楚雀是楊
採開而方語倉庚已冒黃鳥之名初不以為即詩之黃
鳥高誘注淮南子時則篇云倉庚爾雅曰商庚黎黃楚
雀也齊人謂之搏黍秦人謂之黃流離幽冀謂之黃鳥
是高說倉庚即黃鳥而又冒以搏黍之名呂覽仲春紀
倉庚鳴注同而并引詩云黃鳥于飛集于灌木于是黃
鳥之為倉庚誤始於楊雄之方言而實成其說於高誘
之呂覽注也不知爾雅倉庚商庚鸛黃楚雀倉庚鸛黃
一物五名皆即今之黃鸝又爾雅皇黃鳥說者亦不指
謂詩之黃鳥而郭璞注云俗呼黃鸝亦名搏黍郭旣
以詩爾雅黃鳥為一而亦誤以倉庚為一陸機義疏云
黃鳥黃鸝畱也或謂之黃栗畱幽州人謂之黃鸝一名
倉庚一名商庚一名鸛黃一名楚雀齊人謂之搏黍孔
仲達作正義據義疏為說而黃鳥倉庚合為一物其承
譌久矣余友涇胡承珙毛詩後箋亦以詩之黃鳥即今
之黃雀段氏更引戰國策晚豕白木仰棲茂樹尤與詩
辭義合博音博○鵲羽傳云集止也灌木樹棘之類傳
兼木釋文正義本及家訓皆作叢木宋本作蕪木釋文

所謂俗作也釋文一本作最木小箋作取云取積也从
一从取才句反案爾雅釋木木族生為櫟又櫟木叢木
櫟或作灌皇矣傳云灌木叢生即釋木之木族生為櫟
此傳云灌木取木即釋木之櫟木叢木叢族取三字訓
同毛傳不必盡同爾雅和也夏小正傳灌也者聚生者也
取聚聲義皆同爾雅諧和也皆與諧同重言曰喈喈云
和聲之遠聞也者言后妃之德和諧在父母家已有遠
聲聞也案葛覃一興也黃鳥又一興也詩本葛以為言
故下章又以葛起興

葛之覃兮施于中谷維葉莫莫傳莫莫成就之貌是刈
是漙為絺為綌服之無斃傳漙煮之也精曰絺麤曰綌

斃厭也古者王后織玄紵公侯夫人紘紵鄉之內子大

帶大夫命婦成祭服士妻朝服庶士以下各衣其夫疏

傳云莫莫成就之兒釋文無之字箋云成就者其可采
用之時廣雅莫莫萋萋茂也此三家詩義毛於萋萋為

茂盛而莫莫為成就緣下文以立訓早鹿傳莫莫施兒
訓異而意實同釋文引韓詩云刈取也漢賁之以湯煮物
釋訓文釋文引韓詩漢淪也服虔通俗文云以湯煮物
曰淪絲絲皆煮葛所成就者以別精麤說文絲細葛也
給麤葛也或作帗精與細同是女功之所有事者也厭
釋文作厭古厭足厭憎皆作厭今字通作厭說文支部
引詩服之無駮駮也正義云駮駮今字通作厭說文支部
音義同今爾雅作射厭也郭注引此詩作駮禮記緇衣
作射古駮射聲通是刈是漢為絲為給所謂志在紵衣
功之事也服之無數所謂躬儉節用也古者王后織玄
紵以下皆國語魯語交魯語公父文伯之母陳先王古
訓以自言其效績而無有怠惰皆以盡婦道也傳引之
者蓋因治葛為女功之事故推類及之謂后妃之在父
母家躬親煩辱為化天下以婦道之本下章傳釋嫁時
私衣為燕服而又推類以及婦人之道有副章盛飾者亦
此意也○魯語機玄紵上有親字韋昭注云紵所以縣
璜當耳者周禮追師掌王后之首服追衡笄鄭司農注
衡維持冠者春秋傳曰衡紵紵紵玄服唯祭服有衡笄
墜于副之兩旁當耳其下以紵冕冠塞耳者是紵為縣璜
君子偕老正義補說文紵冕冠塞耳者是紵為縣璜之

組韋從古說也箸箋云以素爲充耳謂所以縣瑱者或
名爲紃織之人君五色臣則三色而巳青紃之青黃紃
之黃據鄭言人君五色則天子紃亦五色或單舉玄以
該它色耳○魯語紃紃上○有加之以三字韋注云既織
紃又不結弁師以紃紃也○冕曰紃紃之無綫者也從下而
上一條屬兩端於武又鄭玄注禮記禮器篇云朱紃天子
冕之紃也諸侯青組紃紃大夫士當緇組紃紃纁案冠無
弁有纁冕弁有弁有紃貫於武弁首又有紃纁以二
組屬於武而結於頤下坐綫爲飾紃則一組以組之兩
端上屬於武冠卷也○古者冠卷紃說文紃冠卷維也冠弁
冕之總名也然則冕弁有紃矣紃當作延說文無延字
歛金榜禮箋云後漢書輿服志孝明皇帝永平二年初
詔有司采周官禮記尚書皋陶篇桑輿服從歐陽氏諫
公卿以下從大小夏侯氏說冕前圓後方前坐四小後
坐三寸三公諸侯及卿大夫皆有前無後榜按玉藻天
子玉藻十有二旒前後邃延則歐陽氏說所本也大戴
禮子張問入官篇古者冕而前旒所以蔽明也禮緯旒
坐甘纁塞耳王者示不聽讒不視非也則大小夏侯氏

說所本也鄭君釋周官禮記用歐陽氏說楊聞之師曰
前旒義取蔽明則無後旒可知記言十二旒未嘗謂前
後皆有也玉藻所云前後邃延者謂延之前後出于武
者皆淡邃耳前後据延言不据延之坐者言斯言可正
諸儒相傳之誤古冕旒之制當從大小夏侯氏說與案
周禮弁師掌王之五冕皆玄冕朱裏延紉者冕以版爲
冕皆玄衣而冕也說詳九罍篇朱裏延紉者冕以版爲
之裏謂版下延謂覆版之帛紉謂武上之笄結三者皆
朱自讀者誤以皆玄冕朱裏連文正義遂有玄表纁裏
之說此非也正義又引孔安國論語注言纁麻三十升
布以爲冕卽是纁也蓋孔說亦誤所云麻冕者麻謂麻
衣朝服也古冕弁通稱不得據爲冕纁之制延亦纁成
之粗爲之是絲而非麻矣天子朱延諸侯未聞○魯語
大帶上有爲字韋注云大帶纁帶又曰纁帶大夫玄
釋例云玉藻大夫素帶紳坐又曰纁帶大夫玄帶紳
辟然則纁帶士帶也故士冠禮上卷禮陳士帶皆曰纁
帶卿之內子所爲之帶當素帶辟以纁韋昭云纁帶
誤也案任說是也天子諸侯大夫素帶士纁帶皆謂之
大帶又有革帶革帶繫鞅鞅刀纁及佩玉之屬大帶則
東衣坐紳鄭注玉藻云大夫紳坐外以玄內以華華黃

色也禮記孔穎達疏引熊安生云近人爲內遠人爲外
詩正義從鄭說不從韋說○魯語命婦上無大夫二字
韋注云祭服玄衣纁裳案韋注與七月傳同禮器士玄
衣纁裳此士統大夫言大夫祭服玄冕玄衣而冕亦纁
裳士無冕唯爵弁爲異耳正義謂大夫玄冕玄衣而冕亦纁
妻所成者自祭之朝服則以祭服朝服合爲一誤○魯
語士上有列字朝服也弁服既有加之以祭服朝服合爲一
服又加以有列字朝服也弁服既有加之以祭服朝服合爲一
弁亦玄衣纁裳士之妻既織此爵弁服而又加以朝
服加之二字冢上成祭服爲文謂士妻不僅如大夫命
婦成祭服而已是祭服朝服二文對舉顯爲二服葛覃
疏誤案天子朝服皮弁諸侯朝服玄冠君與臣同色也
韋注云庶士下士也庶士對上文列士列士爲上士則
庶士爲下士不言中士者略也祭法通士二廟庶士一
人無廟通士立二廟庶士立一廟此通士爲上士庶
則庶士爲下士鄭注以祭法官師一廟一句遂謂官師
中士下士庶士府史之屬正義援彼鄭注以剝韋注亦誤

言告師氏言告言歸傳言我也師女師也古者女師教

以婦德婦言婦容婦功祖廟未毀教于公宮三月祖廟
既毀教于宗室婦人謂嫁曰歸薄汙我私薄漼我衣傳
汙煩也私燕服也婦人有副褱盛飾以朝事舅姑接見
于宗廟進見于君子其餘則私也害漼害否歸寧父母
傳害何也私服宜漼公服宜否寧安也父母在則有時
歸寧耳疏言我爾雅釋詁矣我后妃自我也師為女師
室不隨行傳姆則隨女同行齊南山箋姜與姪娣及傅
姆同處是也禮記昏義篇教以婦德婦言婦容婦功此
禮九嬪掌婦學之禮以教九御婦德婦言婦容婦功此
傳所本也又昏義是以古者婦人先嫁三月祖廟未毀
教于公宮三月祖廟既毀教于宗室儀禮士昏禮祖廟未毀
教于公宮三月祖廟既毀則教于宗室亦傳引之以明
因歸而告師氏即序所謂尊敬師傅之義傳所云牲用魚
女師有嫁前之教教成而設祭則采蘋傳所云牲用魚

芼之以蘋藻也班固白虎通義嫁娶篇婦人所以有師
何學事人之道也詩云言告師氏言告言歸禮昏經曰
教于公宮三月婦人學一時足以成矣與君無親者各
教於宗廟宗婦之室國君取大夫之妾士之妻老無子
者而明於婦道又祿之使教宗室五屬之女大夫士皆
有宗族自於宗子之室學事人也班從魯詩與毛詩同
婦人謂嫁曰歸釋文一本無曰字正義云定本歸上無
曰字案有曰字是也江有汜齊南山箋及公羊傳穀梁
傳杜預注左傳皆有曰可證詩疊用言而義別言歸之
言與言告之言不同義言告我告也言歸曰歸也此篇
及黃鳥我行其野有駉皆作言歸齊南山東山采薇皆
作曰歸黍苗作云歸言曰云三字同義若皆訓言為我
則辭義俱全矣全詩言字有在句首者為發聲若柏舟
之言刈其楚之類是也有在句中者為語助若柏舟靜
言思之之類是也言皆不作我解唯此詩之言告泉水
之言邁形弓之受言文王之永言訓言為我者當是相
傳詰訓如此鄭箋則詩中言字多訓我而於泉水形弓
文王言字不訓我顯易傳訓○茅苴傳云薄詞也汗訓
煩煩亦汗垢也內則衣裳垢和灰請澣何休注莊三十
一年公羊傳云無垢加功曰澣去垢曰澣齊人語也說

文藻濯衣垢也从水翰聲或作澆案今字作瀚
正相反私與衣又相連上句言汗下句言瀚
有公服下文皆互詞耳私燕服謂燕居之服也
盛飾以推廣及之內司服掌王后之六服一也
闕狹鞠衣展衣緣衣是褱衣王后六服之一也
人亦服褱衣君子偕老傳副者后夫人之首飾
之婦人兼后夫人言禮記檀弓下敬姜曰婦人不
敢見舅姑此盛飾見舅姑也明堂位夫人副褱立
中又祭統夫人副褱立于東房此盛飾見宗廟也
書大傳云古者后夫人將侍于君前息燭後舉燭
房中釋朝服襲燕服然後入御于君此盛飾見君
今細繹傳意當就嫁者夙興婦沐浴以俟見質明
婦于舅姑三月廟見而后成昏之禮言之云其餘
者謂事舅姑見宗廟見君子其餘事則服燕服也
依鄭注內司服強解褱衣見宗廟事舅姑亦服之
衍展衣祿衣爲見君子盛服誤以傳中餘字爲衣
恐未是傳釋害爲何綠衣傳釋曷爲何古害曷
曷謂之何害亦謂之何矣曷者本字害者假借字
云害本不訓何而曰何也則可以知害爲曷之假
借也

此一例也若假干爲扞直云干扞也假鞬爲鞬直云鞬朝也此直指假俗之例毛傳言假借不外此二例說文云否不也云私服宜榦榦者私服也公服謂禕衣以下至衣而言中衣以至和義皆私服也公服謂禕衣以下至祿衣○寧安釋詁說文寧願詞也寧安也凡訓安之字正作寧今通作寧全詩寧字皆寧也寧安也凡訓安之胡字同義胡安皆何也傳文父母在則有時歸寧耳此九字是箋語竄入傳文耳箋云言常自絜清以事君子但解害澌害否句父母在則有時歸寧耳正解歸寧父母句序箋云可以歸安父母言嫁而得志猶不忘孝序箋以歸寧爲孝也泉水箋國君夫人父母在則歸寧兩箋正合也又伏后議若后適離宮及歸寧父母從子禮是鄭解此詩歸寧實與左傳歸寧同義則此云父母在有時歸寧字箋語非傳語甚顯白也箋解經歸寧字爲歸宗之歸以寧字連上讀與傳釋經歸寧字爲歸嫁之歸而以寧字連下讀者不同序云則可以歸歸即言告言歸序又云安父母即寧父母毛公本序作傳故上文既釋歸爲嫁則此句弟訓寧爲安歸寧父母者既嫁而寧父母所謂無父母詒罹也後箋云王符潛夫論斷訟篇不枉行以遺憂故美歸寧之志一許不改蓋所以長貞絜而

寧父母也案此正足以發明序傳之義草蟲箋云憂不當君子無以寧父母故心衡衡然又云始者憂於不當今君子待己以禮庶自此可以寧父母故心下也寧父母即本此詩之義古者后夫人三月廟見使大夫寧有寧父母禮無歸寧父母禮左傳歸寧春秋時制文王初年不當有此且此篇三章皆言后妃在父母家事唯末句纔說到嫁耳若作歸寧連文解大失經旨說文晏安也詩曰以晏父母許引三家詩與毛詩文異而義實同

卷耳四章章四句

卷耳后妃之志也又當輔佐君子求賢審官知臣下之勤勞內有進賢之志而無險詖私謁之心朝夕思念至於憂勤也疏小箋云玩又當二字可知古各序合爲一篇故家上而言

采采卷耳不盈頃筐傳憂者之興也采采事采之也卷耳苓耳也頃筐畚屬易盈之器也嗟我懷人寘彼周行

傳懷忠實置行列也思君子官賢人置周之列位疏正義

云不云興也而云憂者之興明有異於餘興也餘興言

采菜即取采菜喻此言采菜而取憂為興故特言憂者

之興言興取其憂而巳不取其采菜也勤事采菜尚不

盈筐言其憂之極案興有即事以言興者葛覃是也興

有離事以言興者卷耳是也它放此言興者事采之而不已也

雅采事也云采采事采之也耆言勤事采之而不已也

芣苢傳采采非一詞也鄭志荅張逸云事謂事一事

用意之事芣苢亦然雖說異義則同卷耳呼為常泉

草交郭注引廣雅云泉耳也亦云胡泉江東呼為常泉

或曰荅耳形如鼠耳叢生如盤正義引義疏云葉青白

色似胡荽白華細莖蔓生可煮為茹滑而少味四月中

生子如婦人耳中璫今或謂之耳璫幽州人謂之爵耳

說文務卷耳王逸注楚辭離騷施泉耳皆異名也傳云

頃筐希屬希所以盛糧頃筐口不能平執處深而向搗

處淺其盛糧之畚相似與七月懿筐為深筐則頃筐為

淺筐故傳又申之云易盈之器也釋文引韓詩頃筐敲

筐也敲與頃義相近盈滿也荀子解蔽篇釋詩云頃筐

易滿也卷耳易得也然而不可以貳周行故曰心枝則

無知傾則不精言一序錄云荀卿子傳魯人故詁訓傳多徐堅初學記云荀卿授文
魯國毛亨作詁訓傳故詁訓傳多徐堅初學記云荀卿授文
真篇今增繳機而在此卷耳不盈頃嗟我懷人真彼周行
勇得故詩云采采卷耳不盈頃嗟我懷人真彼周行
以言慕遠世也此陳古刺今或本三家詩○懷思釋詁
文野有外廣齊南山四牡常棣同寘置伐檀生民同寘
者寘之俗釋文寘之破反寘大千反從穴下真不誤行列雙
也今唯東山釋文寘之作寘大千反從穴下真不誤行列雙
聲作訓襄十五年左傳寘大千反從穴下真不誤行列雙
國之急也能官人則民無覲心詩云嗟我懷人寘彼周
行能官人也王及公侯伯子男甸采衛大夫各居其列
所謂周行也毛傳以懷人爲思君子官賢人以周行爲
釋文序錄云左丘明作傳多與左氏傳說詩同是亦用
毛爲荀弟子故作詁訓傳多與左氏傳說詩同是亦用
其師說也核樸序
云文王能官人也

陟彼崔嵬我馬虺隤傳陟升也崔嵬土山之戴石者虺

賸病也我姑酌彼金罍維以不永懷傳姑且也人君黃

金罍永長也疏陟升釋詁交此及載馳文王傳竝訓陟

車臺皇矣陟登則升與登通用矣十月之交傳山頂曰

采卒者崔嵬谷風傳崔嵬山顛也說文崔大高也嵬同

石崔嵬高而不平也又自部陞隗高也惟隗與崔嵬同

劉熙釋名云土戴石曰崔嵬因形名之也皆謂土山戴

石也爾雅石戴土謂之崔嵬毛傳與爾雅正相反或所

見本與今異正義以為傳轉寫之誤非是賸當作頤

賸病釋詁交玉篇九部云尠墟馬病小雅采薇序云文

王之時而有昆夷之患北有獫狁之難以天子之命命

將率遣戍役以守衛中國故歌采薇以遺之出車以勞

還杖杜以勤歸也此詩所言正是其事蓋文王大夫或

有陟險馬病之憂及其使歸也又設饗燕之禮以勞之

序所謂知臣下之勤勞也○姑者詞之且也山有扶蘇

傳且詞也方言墜且也廣雅辜且也姑監辜皆古聲故

皆為且說文又部引詩作房云秦人市買多得為及箋

正義云異義疊制韓詩說金罍大夫器也天子以玉諸

侯大夫皆以金士以栺毛詩說金罍酒器也諸臣之所
 醉人君以黃金飾尊大一碩金飾龜目蓋刻為雲雷之
 象謹案韓詩說天子以玉經無明文謂之罍者取象雲
 雷博施如人君下及諸臣案許慎五經異義從毛詩說
 說文木部櫛龜目酒尊刻木作雲雷象施不窮也罍
 或从缶說文與異義同正義引阮謏禮圖亦云刻木為
 之則罍木質畫以雲雷而加飾以為等差人君黃金罍
 黃金其飾也正義引韓詩說士以栺士無飾是韓亦為
 韓詩說天子以玉飾諸侯大夫皆以黃金飾是韓亦為
 木質而加飾矣異義不從韓詩說天子以玉者毛詩說
 人君統天子諸侯言天子亦飾黃金不聞飾玉也周禮
 司尊彝六尊皆有罍諸臣之酌也鄭注云昨讀為酌
 字之誤也諸臣獻者酌罍以之所昨也鄭注云昨讀為酌
 尊鄭司農云罍臣之所飲也案此雖宗廟之罍而人君
 饗燕使臣常設此器故云酌罍也維發聲文選楊
 雄羽獵賦注及阮籍詠懷詩注引韓詩章句惟辭也維
 與惟通凡全詩多用維字為發聲者放此
 永長釋詁文漢廣常棣文王公劉竝同

陟彼高岡我馬玄黃
 傳山脊曰岡玄馬病則黃我姑酌

爾雅釋

岡傳所本也公劉箋亦云山脊曰岡傳文玄馬病則黃

五字當作馬病則玄黃與四牡傳馬勞則喘息句法相

積同今弱本訖黃雙上聲皆仰云二虺字成病此云黃之病義可互分也猶

積之不能分釋耳爾雅釋詁
 疇瘡也瘡瘡也疇瘡也瘡瘡也

釋此詩辭傳於庸瘠虺積皆用雅訓不應於玄黃更作

日玄
 馬
 黃病
 黃
 解
 與
 雅
 訓
 並
 辰
 凡
 傳
 言
 黃
 馬
 黑
 喙
 日
 駙
 黃
 白

皇黃馬曰黃黃白襍毛曰駮赤黃曰駮黃本馬之正
而玄爲馬之病色以玄爲馬色而黃爲馬病則

不通矣。易林爲乾師之震竝云。茲黃醢隕行者。勞罷爲役。夫惟

卒
驗時不歸文選曹子建贈白馬王彪詩云中逵絕無

軌改轍登高岡脩坂造雲中我馬玄以黃玄黃猶能進

我思之憂以紆古皆玄黃連義不謂玄馬病黃足證今本

手作之說也。以咒爲之故。云咒。今詩皆作咒。周禮作咒。

韓詩說一升曰爵。爵盡也。足也。二升曰觚。觚寡也。飲當

寡也三升曰解解適也飲當自適也四升曰角角觶

也飲不能自適觸罪過也五升曰散散訕也飲不能自

節爲人所誦也。總名曰爵。其實曰觥。觥者，酌也。觥亦五升。所以罰不敬。觥，廓也。所以著明之貌。君子有過，然箸明，非所以飲而盡。七升爲過，多禮圖云：觥大七升，以罰有過。一飲而盡，七升爲過。多禮圖云：觥大七升，以罰也。案禮圖：觥大七升，同毛詩說。而異義從韓詩說。說文：角爲之。先師說云：刻木爲之。形似兕角。蓋無兕者，用木也。案禮圖：觥大七升，同毛詩說。而異義從韓詩說。說文：觥俗作觥。說文：既不以觥爲罰。爵，其容數常亦同。毛詩：說段氏謂異義。早成說：文晚成是也。昭元年：左傳：趙孟叔孫豹曹大夫入于鄭。鄭伯兼享之。趙孟爲客。穆叔子皮及曹大夫興拜。舉兕爵曰：小國賴子，知免於戾矣。飲酒樂。兕爵，卽兕觥。此亦鑿燕用兕觥之證。觥爲最大之爵。三人興拜而舉兕爵。鑿燕將終羣人以盡敬於客之禮。故酌此大爵也。箋：用韓詩說。觥爲罰爵。桑扈箋：同恐非是。傷思釋詁：文釋傷爲思。與上章不永懷同義。懷亦思也。

陟彼岵矣。我馬瘠矣。我僕痡矣。云何吁矣。傳石山戴土

曰：岵，瘠病也。瘠，亦病也。吁，憂也。疏文：岵，石戴土也。引詩

作岨是叔重所據作山旁岨矣自部阮石山戴土也則
岨一名阮也釋名云石戴土曰岨岨臚然也皆謂石山
戴土也爾雅土戴石為岨與毛傳異段氏說文注云山
石戴於土上土而戴之以石用土戴於石上石而戴之
以土二文互異而義則一戴者增益也石在上則高不
平故曰崔嵬土在上則雨水沮洳故曰岨毛之立文為
善矣○瘡病釋詁交鳴鴉神說文瘡或作屠瘡病亦釋
詁交吁當為野爾雅注引詩云何野矣邢昺疏云卷耳
及都人士文也邢所據卷耳作野詁訓簪於卷耳故都
人士與何人斯野皆不傳此其例也野憂釋詁交野者
忤之假借字說文忤憂也何憂者言憂臣下之勤勞如
何也云為語詞凡全詩云字或在句首或在句中末
多用為語詞無實義文選傳咸
詩注引韓詩章句云云辭也

樛木三章章四句

也 樛木后妃逮下也言能逮下而無嫉妬之心焉
疏下謂眾妾

南有樛木葛藟纍之傳興也南南土也木下曲曰樛南

土之葛藟茂盛樂只君子福履綏之傳履祿綏安也疏

傳釋南為南土與南國異南國在江漢荆州猶不及楊

州南土則近在岐周之地也周南十一篇皆文王岐周

之詩漢廣汝墳及於南國矣麟止以應關雎此樛木及

蝨斯桃夭兔置芣苢皆詠后妃以附於關雎葛覃卷耳

三詩之後則亦岐周也木下曲曰樛謂木之下曲者為

樛也爾雅下句曰杙下曲即下句樛謂木之通釋文

云馬融韓詩本竝作杙蓋馬治毛詩其所以據作杙木與

韓詩同葛藟屬釋文引義疏云葛藟一名巨荒

似蔓莢連蔓而生幽州人謂之雜葛云南土之葛藟茂

盛者茂盛釋纍字南有嘉魚傳纍曼也楚辭劉向九歎

注纍緣也引詩作葛纍俗字受緣皆茂盛之意二章荒

奄三章繁施義同案樛木下曲而坐葛藟得而上曼之

喻后妃能下逮其眾妾得以親附焉傳於首章言興以

咳下章也全詩放此○只詞也南山有臺采芣苢皆作只

樂只君子了猶云展矣君子允矣君子也凡只或在句中

或子句末皆為語詞君子謂文王也言后妃有不嫉妬
之德可以樂此文王也履祿爾雅釋言交福履綏之猶
鴛鴦云福祿綏之耳爾雅釋言交福履綏之猶
釋詁交楚茨以綏後祿傳亦云綏安也綏從安聲安為
安故綏亦為安鄭玄注儀禮士相見禮古文安為綏此
綏安聲通之證也綏古讀如施繫古讀如離故詩以繫
韻為

南有樛木葛藟荒之傳荒奄也樂只君子福履將之傳

將大也疏傳荒奄下奄也字今補凡言也者別詞也詞

之今本多互亂矣荒奄釋言交說文荒蕪也一曰艸掩
地也奄與掩通○將大釋詁交方言云將大也齊楚之

郊或曰京或曰將破斧
正月我將長發傳並同

南有樛木葛藟荒之傳荒奄也樂只君子福履成之傳

成就也疏正月傳云云旋也紫云聲相近鄭注士喪禮

云帳讀若詩曰葛藟紫之之紫帳紫亦相近

也說文衣部裳下引作縈又艸部葉艸旋兒也引詩作縈縈與縈同○爾雅就成也成就二字互訓傳為全詩成字通訓凡成皆有就義也

蠡斯三章章四句

蠡斯后妃子孫眾多也言若蠡斯句不妬忌則子孫眾多也

蠡斯羽詵詵兮宜爾子孫振振兮傳蠡斯蚣蝑也詵詵

眾多也振振仁厚也疏斯語詞蠡斯羽與麟之止句法

字當衍春秋桓五年秋螽斯穀梁謂螽為蟲公羊作螽說

文螽蝗也或作螽是螽即蝗矣爾雅阜螽草螽析螽蟬作斯螽爾雅毛傳皆謂之蚣蝑然則螽為蚣蝑斯螽為蚣蝑猶鳩為桔鵲尸鳩為桔鵲鳩為鶻鳩鳴鳩為鶻鳩此單評縈評之例若謂斯螽可倒作螽斯則析螽亦可

倒作蠡析矣解者失之○釋文說說文作舜今說文佚
舜字玉篇辨所巾切羽多兒集韻辨羽多所臻切得
即舜之異體或三家詩有作舜舜者也集韻三十二
引說文說眾致言也說與舜義亦相近皇皇者華傳
駢眾多之兒晉語引詩作華華駢駢之或作華華猶
說之或作舜舜矣桑柔傳姓姓眾多也竝字異義同○
空者承上轉下之詞爾女也女女后妃也此詩以蠡比
后妃說說蠡蠡揖揖言后妃子孫眾多也振振繩繩
繫言后妃子孫眾多又皆賢也序云不妬忌則子孫眾
多所以推本眾多之由故經中空字有三義焉子孫眾
多也不妬忌也賢也振振仁厚與麟之止殷其雷傳振
振信厚各隨文訓禮記中庸篇肫肫其仁鄭注云肫肫
讀如誨爾肫肫之肫肫懇誠貌也
今詩作諄諄竝與振振聲同義近

蠡斯羽蠡蠡兮空爾子孫繩繩兮傳蠡蠡眾多也繩繩

戒慎也疏爾雅釋訓蠡蠡眾也傳用爾雅而益其義云

蠡通作蕤今廣雅釋訓蠡蠡蕤蕤飛也玉篇蠡蠡飛也
蕤羣鳥弄翅也蓋本三家詩○爾雅繩繩戒也傳用爾

雅而益其義云戒慎也抑子孫繩繩箋繩繩戒也管子
宙合篇故君子繩繩乎慎其所先淮南子繆稱篇末世
繩繩乎惟恐失仁義並與詩繩繩同是繩繩之為戒慎
其訓古矣繩慎雙聲故下武繩其祖武三家詩作慎其
祖武韓詩外傳云詩曰宜爾子
孫繩繩兮言賢母使子賢也

螽斯羽揖揖兮宜爾子孫螽螽兮傳揖揖會聚也螽螽

和集也疏傳釋揖揖為會聚也者言眾多而會聚之進

與說說夢夢並訓眾多揖通作集如說文鏤或作鐸之

例○說文對對盛也从十甚聲徐鍇繫傳云詩曰宜爾

子孫螽螽兮螽螽眾也此對義近之也據此或三家詩

有作對對訓盛者淮南原道注螽讀什伍之什呂覽孟

春紀注音律注螽讀如詩文王之什此螽聲與十聲同

音之理傳云和集亦盛之意也爾雅螽靜也郭注云見

詩傳此亦
三家義

桃夭三章章四句

桃夭后妃之所致也不妬忌則男女以正婚姻以時國

無鰥民也疏序言男女婚姻必以正時上句言正下句言時互詞耳男子自二十至三十女子自

十五至二十皆為昏娶之正時至三十二謂之及時鰥民書大傳云舜年三十不娶稱鰥也

桃之夭夭灼灼其華傳興也桃有華之盛者夭夭其少

壯也灼灼華之盛也之子于歸宜其室家傳之子嫁子

也于往也宜以有室家無踰時者疏興者三章皆言桃

少壯其華喻色實喻德葉喻形體又分屬三章則桃不

專指華矣傳云桃有華之盛者此釋首章機下灼灼其

華句正義云桃少故華盛以喻女少而色盛是也云夭

大其少壯也者謂桃不謂華也說文夭木少盛也引詩

作夭夭小箋云夭夭即夭夭之假俗也豈風棘心夭夭

傳夭夭盛兒字亦作娛娛廣雅娛娛茂也少壯與茂盛

同義說文娛女子笑兒引詩作娛娛此三家義云灼灼
華之盛也者小箋云灼灼即焯焯之假借焯明也案說
文引周書焯見三有俊心今立政篇作灼此灼焯聲通
之證明謂之焯亦謂之灼矣廣雅灼灼因之凡色之光華明盛者皆
謂之焯亦謂之灼矣廣雅灼灼明也玉篇灼灼華盛兒
盛與明同義月令仲春之月桃始華○之猶是也之子
為嫁子傳隨文訓也于讀為於采蘇燕燕傳皆云于於
也於者自此之彼之詞自此之彼謂之於又謂之往則
於與往同義亦于與往同義矣故于歸為往歸也漢廣
鶴巢燕燕東山篇竝同兩無正維曰于仕于往也二傳
訓同葛覃傳婦人謂嫁曰歸云宜以有室家無踰時者
傳兼上句為釋無踰時言無踰少壯之時無踰時而宜
有室家嫁子往歸不逮仲春媒氏會之時也周
禮媒氏有司會無夫家之禮詳見標有梅篇

桃之夭夭有蕢其實傳蕢實貌非但有華色又有婦德

之子于歸宜其家室傳家室猶室家也疏說文葩泉實

爾雅作蕢周禮作蕢泉實為蕢因之為凡華結實之稱
有蕢其實言桃之實蕢然大也信三十三年穀梁傳云

實之爲言猶實也凡艸木果曰實傳云非但有華色又有婦德者此承上章華色又以明桃實與婦德也○云家室猶室家也者與上章同義謂宜其有家室也孟子滕文公篇丈夫生而願爲之有室女子生而願爲之有家桓十八年左傳申禰曰女有家男有室無相瀆也謂之有禮此家室互言也渾言之室亦家也爾雅牖戶之閒謂之扃其內謂之家說文家尻也

桃之夭夭其葉蓁蓁傳蓁蓁至盛貌有色有德形體至

盛也之子于歸宜其家人傳一家之人盡以爲宜疏蓁

同臻故云蓁蓁至盛貌廣雅蓁蓁茂也字亦通作蓁無羊傳蓁蓁眾也王應麟詩考載杜佑通典禮十九引詩作其葉蓁蓁傳云有色有德形體至盛也者承上二章而又明此言桃葉之至盛以興女子之形體也形體猶言婦容也葛覃傳云古者女師教以婦德婦言婦容婦功○云一家之人盡以爲宜者以釋經宜其家人句此逆辭釋經之例傳不與上二章同訓也凡詩三章有末章與上二章辭異者若汝墳采芣北風新臺蝦蟆大車

清人風雨子衿東方未明甫田敝笱唐揚之水鵲羽匪
風庭燎沔水祈父我行其野谷風魚藻苑柳漸漸之石
此文之變也又有末章與上二章辭同而意異者若此
篇之宜其家人螽斯之揖揖鵲巢之成羔羊之絳考槃
之軸緇衣之蓂中谷有蕓之溼兔爰之肅毛公作傳循
辭之變本意之殊故往往不與上二章同訓箋不然矣
此篇上二章就嫁時言末章就已嫁時言禮記大學篇
引末章而釋之云宜其家人而后可以教國人正所謂
家齊盡宜之道也傳
意實本大學為說

兔置三章章四句

兔置后妃之化也關雎之化行則莫不好德賢人眾多

也

疏卷耳之應

肅肅兔置椓之丁丁傳肅肅敬也兔置兔罟也丁丁椓

杙聲也趙趙武夫公侯干城傳趙趙武貉干杆也疏肅肅

敬爾雅釋訓文思齊同敬者言兔置之人其持事猶
不忘其敬列女傳賢明篇夫安貧賤而不怠於道者唯
至德者能之詩曰肅肅兔置叔之丁下言不怠於道也
易林坤云兔置之容不失其恭並與毛訓同釋器兔置
謂之置傳所本也釋玄應眾經音義卷十七引郭注云
置遮也遮取兔也說文叔擊也丁下為叔聲傳云叔代
聲者家兔置作訓也釋宮櫜謂之櫜郭注云櫜也又謂
之招孟子盡心篇又從而招之趙岐注云招冒也亦謂
之踴莊子外物篇踴者所以枉兔得免而忘踴釋文云
踴免冒也周禮冥氏注弧張量學之屬所以局緝禽獸
龔氏注置其所食之物於絹中鳥來下則倚其網案絹
與冒同凡網取禽獸必築檠於地而以捕器網之置兔
亦如是也檠杙今俗謂之打檠杙者弋之俗丁古打字
○赴赴武釋訓文說文赴輕勁有才力也从走斗聲讀
若錡酌傳云踴踴武兒斗聲喬聲正相近于扞釋言文
采芑同成十二年左傳此公侯之所以扞城其民也故
詩曰赴赴武夫公侯干城左傳釋詩干城即扞城于古
文假借字毛傳干訓扞義本爾雅其實本左傳為訓言
武夫之能為公侯扞城其民也呂覽報更篇宣孟德一
士猶活其身而況德萬人乎故詩曰赴赴武夫公侯干

城濟濟多士文王以寧此引詩證文王之能用賢公侯
謂文王也高誘注云言其賢可為公侯扞難其城藩也
墨子尚賢上篇文王舉閔大泰顛於置罔之中授之政
而土服據此則免置之武夫指閔大泰顛其人也書大
傳稱閔大免文王牖里之害為胥附先後奔走禦侮四
臣之一鄭箋亦云此免置之人賢者也折衝禦難於未
將帥之德公侯可任以國守扞城其民折衝禦難於未
然此或出於三家詩義毛詩簡略義當然也縣傳云武
臣折衝
曰禦侮

肅肅兔置施于中逵傳達九達之道赴赴武夫公侯好

仇疏傳施讀如施也文選顏延之施爾雅釋宮云九達謂之達

軍詩注引韓詩施于中樞薛君章句云中樞樞中九交

之道也說文九部樞九達道也似龜背故謂之樞或作

達是道也說文九部樞九達道也似龜背故謂之樞或作
達道九軌劉炫規之達為九道交同義也杜預注左傳以爲
野涂也考工記國中經涂九軌野涂五軌杜預謂達當九
軌直以野涂而容國中涂矣釋文乃引杜解為說○仇

匹也義見開雖傳例不煩更見也公侯好匹言武夫能
為公侯之好匹匹當讀率由羣匹之匹假樂箋云循用
羣臣之賢者其行能匹耦己之心昭三十二年左傳史
墨曰物生有兩有三有五有陪貳故天有三辰地有五
行體有左右各有妃耦王有公諸侯有卿皆有貳也晉
語國人誦之曰若狄公子吾是之依兮鎮撫國家為王
妃兮章注云言重耳當伯諸侯為王妃耦漢書董仲舒
傳贊伊呂乃聖人之耦文選楊雄甘泉賦投述索偶泉
竝與詩仇字義同

肅肅兔置施于中林傳中林林中趙趙武夫公侯腹心

傳可以制斷公侯之腹心疏正月瞻彼中林傳亦云中

林徐幹中論法象篇人性之所簡也存乎幽微人情之
所忽也存乎孤獨夫幽微者顯之原也孤獨者見之端
也胡可簡也胡可忽也是故君子敬孤獨而慎幽微雖
狂隱蔽鬼神不得見其隙也詩云肅肅兔置施于中林
處獨之謂也傳云可以制斷公侯之腹心者以釋公
侯腹心句左傳及其亂也諸侯貪冒侵欲不忌爭尋常

以盡其民略其武夫以爲己腹心股肱爪牙故詩曰赴
趙武夫公侯腹心天下有道則公侯能爲民干城而制
其腹心亂則反之杜注云舉詩之正以駁亂義詩言治
世則武夫能合德公侯外爲干城內制其腹心左傳言
制毛傳本之以益其義云制斷者謂制斷其貪冒侵欲
也公侯腹心謂武夫能爲公侯制斷其腹心則公侯干
城亦謂武夫能爲公侯干城其民矣皆就賢者一邊說
桓寬鹽鐵論備胡篇賢良曰匈奴如中國之麋鹿耳好
事之臣求其義責之禮使中國干戈至今未息萬里設
備此免冑之所刺故小人非公侯腹心干城也此言小
人用事上不能制君腹心下不能爲民干城適見刺於
免冑耳桓釋詩正與毛訓合首章言禦侮二三章不言
禦侮也箋俱
依禦侮爲說

采芣三章章四句

采芣后妃之美也和平則婦人樂有子矣疏列女傳貞

之妻者宋人之女也既嫁於蔡而夫有惡疾其母將改
嫁之女終不聽其母乃作采芣之詩又文選劉峻辯命

論注引韓詩采芣傷夫有惡疾也薛君云詩人傷其君
子有惡疾人道不通求已不得發憤而作以事興芣
雖臭惡乎我猶采采而不已者以興君子雖有惡疾我
猶守而不離去也案三家與毛異然亦被文王后妃之
化故婦人能守一不去盡
其情一心乎君子者也

采采芣苢薄言采之傳采采非一辭也芣苢馬舁

車前也宜懷任舁薄辭也采取也采采芣苢薄言有之

傳有藏之也疏采采非一辭辭當作詩小箋云謂非一

已也芣苢馬舁馬舁車前爾雅釋草交郭注云今車前

草大葉長穗好生道邊江東呼為蝦蟆衣正義引義疏

云馬舁一名車前一當道喜在牛跡中生故曰車前

當道也今藥中車前子也幽州人謂之牛舌草可鬻

作茹大滑其子治婦人產難說文芣苢一名馬舁其實

如李令人宜子周書所說段注引黃公紹韻會載說文

李作麥案唐慎微證類本草蘇頌圖經云車前實如葶

藶赤黑色據蘇說則芣苢之實如麥不如李一本作其

實如李故解之者遂誤以茅苜爲和不爲草陶宏景本
草注云韓詩言茅苜是木似李會其實空子孫然韓詩
不言茅苜是木陶未知何據也又案釋文引韓詩直曰
車前瞿曰茅苜文選注引章句茅苜澤瀉也韓以茅苜
車前爲別物又以澤瀉爲同物皆與爾雅毛傳不合傳
云空懷任焉者此卽周書爲同物空子之說也任古妊字
今逸周書王會篇作桴苳卽茅苜○薄辭小箋云辭當
作詞說文作書意內而言外也說文凡文辭作辭辭說
也凡形容及語助發聲作書如茅苜之薄漢廣之思草
蟲之止大叔于田之忌是也薄見葛覃矣於此始爲傳
者漢人傳注不限於首見也案傳爲全詩薄字發凡也
後漢書李固傳注引韓詩章句薄辭也辭亦當作詞今
字通作辭谷風薄送出車六月薄伐車攻薄狝泮水薄
采薄皆詞也此篇及采蘇柏舟出車采芑采綠時邁有
客駟皆曰薄言言亦詞也載馳不爲言字作傳駟不爲
薄言作傳余友高鄉王引之經傳釋詞云薄言皆語詞
是也箋薄言爲我薄失之矣采訓取者傳爲采字通訓
采從爪取從又爪又皆手也廣雅釋詁采取也○傳云
有藏之也者藏之謂收藏之也廣雅有取也首章泛言取
孫疏證云詩之用詞不嫌於複有亦取也首章泛言取

之次則言其取之之事卒乃言既取而盛之以歸耳若首章既言藏之而次章復言掇之拊之則非其次矣魚謂訓有為取或本三家詩義毛意則以首章泛言取藏下二章乃分承之耳掇之拊之即承首章采之而言拊之禩之即承首章有之而言藏古作臧

采采芣苢薄言掇之傳掇拾也采采芣苢薄言拊之傳

拊取也疏說文拾掇也掇拾取也廣雅掇取也義並同○廣韻六術守持取今守禾是也拊與守聲

義俱近後箋云傳拊取也三字連讀非訓拊為取猶言拊拊取之也傳文簡消耳掇是拾其子之既落者拊是

拊其子之未落者

采采芣苢薄言拊之傳拊執衽也采采芣苢薄言禩之

傳禩扱衽也疏爾雅釋器執衽謂之拊此傳所本也禮記澣衣續衽鉤邊鄭注云續猶屬也衽

在裳旁者也屬連之不殊裳前後也鉤邊若今曲裾也娶源江永澣衣考云續衽謂裳之左旁縫合其衽鉤邊

謂裳之右旁別用一幅布綴於右後社之上使鉤而前
漢時謂之曲裾可以用一幅裳際也古者布幅闊二尺二寸
淡衣裳用布六幅裁為十二幅其當裳之前襟後裾正
處者以布四幅正裁為八幅上下皆廣一尺一寸各邊
去一寸為縫一幅上下皆正得九寸八幅七尺二寸其
在上者既足要中之數矣下齊當倍於要又以布二幅
斜裁為四幅狹頭二寸寬頭二尺各去一寸為縫狹頭
成角寬頭一尺八寸皆以成角者向上以廣一尺八寸
者向下則四幅下廣亦得七尺二寸合於齊得一丈四
尺四寸此四幅連屬於裳之兩旁別名為社所謂社當
旁是也玉藻社當旁鄭注云社謂裳幅所交裂也凡社
者或殺而下或殺而上是以小要取名焉社屬衣則坐
而放之屬裳則縫之以合前後上下相變淡衣考云社
有二朝服祭服褻服皆用惟裳前三幅後四幅裳際不
連有社掩之用布交解寬頭在上合縫之狹頭在下如
燕尾之形即褻服篇社二尺有五寸是也此社之殺而
下者也淡衣之社當裳旁亦交解而狹頭向上寬頭而
向此社之殺而上者也社屬於裳則縫之以合前後即
祭褻服之社屬於裳則縫之以合前後者唯左旁為然若
右旁則不能縫也

合別有鉤邊鄭亦略言之耳案婦人衣與裳不殊當如
男子漢衣則衽乃屬於裳執衽扱衽是卽當裳旁之衽
鄭注喪服傳婦人不殊裳如漢衣而下無衽余友續溪
胡培翬云謂無二尺五寸之衽非謂無裳旁之衽是也
○顧扱衽也各本作扱衽曰顧今從宋本釋器扱衽謂
之顧傳所本也郭注云扱衣上衽於帶李注同說文衣
部云以衣衽扱物謂之顧顧或作扱又足部云扱進足
有所擷取也爾雅曰扱謂之擷扱扱義相近扱猶插也
許云扱物卽是扱物於帶中衽者手持衽以盛物顧者
插衽於帶以納物非衽但手執衽而顧乃納物於衽也

漢廣三章章八句

漢廣德廣所及也文王之道被于南國美化行乎江漢
之域無思犯禮求而不可得也疏南國卽江漢之域禹

今湖北武昌漢陽兩府之閒文王時爲荆楚地漢入於
江傳云漢上韓詩傳云漢皋皆不及江而詩人又以漢
廣命篇則序所云江漢之域在漢南江北非必江漢合
流處水經江水注云韓嬰敘傳南其地在南郡南陽之

關今河南南陽府漢之南陽郡即其地矣關雖序云南
言化自北而南也蓋文王治岐周梁在岐周之西南荆
在岐周之東南準視天下則荆梁皆西也文王為紂三
公受命出為西伯僅主西諸侯其東諸侯非文王所主
長之國紂命文王典治南國在荆梁不及楊徐也逸周
書大匡云周王宅程三年三州之侯咸率三州者雍荆
梁也迨戡黎而後東諸侯畔殷程典云文王合六州之
侯奉勤于商六州者雍荆梁及徐豫楊也徐豫楊皆東
諸侯叛殷之國文王率焉以朝聘乎紂此三分天下有
其二也其實文王所屬止有禹貢雍梁荆三州之地東
不過漢廣汝墳而不踰江沱而文王之化其所被於東
南者尤多故序二南以江漢之域為南國在西南者別
之為召南之國

南有喬木不可休思漢有游女不可求思傳興也南方
之木美喬上竦也思辭也漢上游女無求思者漢之廣
矣不可泳思江之永矣不可方思傳潛行為泳永長方

汭也

疏

爾雅釋木句如羽喬上句曰喬如木楸曰喬愧

即本爾雅之上句曲也上竦者其上曲其下少枝葉

高注淮南原道云喬木上竦少陰之木是也休息各本

作休息釋文木或作休思今訂正瞻印傳云休息也思

訓辭辭當作詞休思求思泳思方思皆詞也傳為全詩

思字句末語助之發凡也思又為句首語詞義見文王

篇傳云漢上游女無求思者無求釋經之不可求不可

謂之無無亦謂之不可鳴鳴既取我子無毀我室傳不

可以毀我周室是又以不可鳴鳴既取我子無毀我室傳不

思犯禮也案傳以南方之木美與漢上之女貞上竦之

木不可休與出

游之

女不

可求

漢廣

不可

泳江

永不

可

興二

三章

言薪

中之

楚藝

可刈

而束

之興

貞絜

之正

意餘

皆

在

淫亂

之世

常備

禮以

取之

此變

文以

言興

也○

初學

記

地部

下韓

詩云

鄭交

甫過

漢皋

遇二

女妖

服佩

兩珠

交

甫與

之言

曰願

請子

之佩

二女

解佩

與交

甫而

懷之

去

十步

揆之

則已

矣迴

顧二

女亦

不

見

說文

鬼部

引韓

詩

傳妖

服作

魅服

奇寄

切御

覽地

部二

十

七

與

初學

記同

又珍

寶部

一韓

詩內

傳云

漢女

所弄

珠如

荊雞

卵文

選

江賦南都賦注所引詳略雖異要皆出內傳文也又文
選七啓注韓詩序漢廣悅人也琴賦注薛君章句游女
漢神也言漢神時見不可得而求之七啓及齊敬皇后
哀策文注皆引章句游女爲漢神楚辭王逸九思周徘徊
兮漢潛求水神兮靈女此用韓詩義也然則韓詩以
游女興之子矣列女傳辯通篇孔子南游遇阿谷處子
孔子曰斯婦人達於人情而知禮詩云南有喬木不可
休思漢有游女不可求思此之謂也魯詩游女卽之子
與毛詩合然韓詩外傳載阿谷處子事亦引此詩或韓
乃斷章取義也○六月離傳云廣大也潛行爲泳爾雅
釋水夾說文泳潛行水中也潛涉水也段注云潛行水
中對浮行水上言之耶風傳曰由剡以下爲涉言潛者
自其剡以下沒於水言之所謂泳也後人不甚分明若
水經注江水篇云有潛客泳而視之見水下有兩石牛
此則謂潛全沒水中矣案段說是也耶谷風方舟泳游
對交方舟一類泳游一類游者浮水而過泳者涉水而
行爾雅泳游也渾言不別也哀九年左傳云是謂如川
之滿不可游也不可游與詩不可泳同意說文永部永
水長也象水逕理之長詩曰江之永矣又象水長也詩
曰江之永矣許兩引詩字異義同治毛不廢三家也文

選登樓賦注引韓詩江之漾矣薛君云漾長也毛詩多古矣永古之俗是韓詩作美矣爾雅永美長也毛詩多古矣永古美字漢以絕流而渡言故曰廣江以順流而下言故曰永方冲釋言交今爾雅方作舫釋言又云舫舟也釋水云大夫方舟方言汭謂之箴箴謂之筏筏秦晉通語也方舟謂之潢說家皆以方為併船汭為併木二者不同邨谷風傳云舟船也方舟與永游析為四事舟為船方為冲其義互見蓋方舟大夫之禮制非泛言渡水詩之方當是併木不是併船故傳用爾雅舫汭之訓而不用舫舟之訓邨箋亦云方汭也

翹翹鎔薪言刈其楚傳翹翹新貌鎔襍也之子于歸言

秣其馬傳秣養也六尺以上曰馬漢之廣矣不可泳思

江之永矣不可方思疏翹翹高大之意故云薪免廣雅

蕺草也鎔之為言族族也襍與集同集木與草為襍薪猶集玉與石為襍佩矣無羊箋云麋曰薪綢繆傳云男女待禮而成若薪芻待人而後束也彼詩以束薪喻嫁娶之以禮正與此同王揚之水傳楚木也○鴛鴦傳

秣穀馬也此秣詰養讀校人頌良馬而養桑之養養者未及駕之詞也於馬言秣不言駕猶於薪言刈不言束皆是待禮而行求不可得之義夏官廋人馬八尺以上為龍七尺以上為騊六尺以上為馬此傳云六尺以上日馬從周禮說是諸侯乘騊也騊七尺以上為馬諸侯所乘則馬有六尺以上當是大夫所乘故此章之馬與下章之騊雖何注隱元年公羊傳云天子馬曰龍高七尺以上諸侯曰馬高六尺以上何與毛異

翹翹鎔薪言刈其蕒傳蕒草中之翹翹然之子于歸言

秣其駒傳五尺以上曰駒漢之廣矣不可泳思江之永

矣不可方思疏蕒傳文引馬融毛詩注云蕒蕒蒿爾雅購

云蕒下於莽又云山之側其草蒿與蕒是蕒為蒿莽之類矣正義引義疏云其葉似茭白長數寸高丈餘正月根芽生旁莖正白生會老則為蕒高丈餘正與詩翹茹據此則蕒蒿嫩時可會老則為蕒高丈餘正與詩翹

翹合傳云萑草中之翹翹則楚亦木中之翹翹翹翹新
也楚木為翹翹之薪則萑草亦為翹翹之薪互詞見義
也上句言銷薪而下句刈楚刈萑皆薪也猶之揚之水
首章言束薪而下章束楚束薪也薪其大名也三家詩解以
薪而下章束薪則楚萑為眾薪中之尤翹翹若然楚萑外
別有薪矣非是○駒當作驕陳風桑我桑駒釋文作驕
引沈重云或作駒後人改之皇皇者華篇內同小雅我
馬維駒釋文云本亦作驕據陳風小雅則知周南本亦
作驕也驕非韻與萑株濡詎為合韻說文馬高六尺為
駒詩曰我馬維駒株林箋六尺以下曰駒此傳云五尺
以上即是我馬維駒株林箋六尺以下曰駒此傳云五尺
云馬五尺以下為駒然則駒乃五尺以下之稱矣何注
公羊傳云卿大夫士曰駒高五尺以上武進臧鏞堂說
此駒字亦必驕字之誤矣謂株林傳言大夫得桑駒與
何注統卿大夫士說異漢廣游女非大夫也士親迎而
秣駒與土昏禮桑
墨車俱為攝盛

汝墳三章章四句

汝墳道化行也。文王之化行乎汝墳之國，婦人能閔其君子，猶勉之以正也。

遵彼汝墳，伐其條枚。傳：遵，循也。汝，水名也。墳，大防也。枚，

曰條幹，曰枚。未見君子，惄如調飢。傳：惄，飢意也。調，朝也。

疏：遵，循也。爾雅：註，大。遵，大路。九畹，同。汝，水名。不見禹貢而決汝見孟子漢書地理志汝南郡定陵高陵山汝

水出東南至新蔡入淮此新蔡二字疑有誤蓋漢時汝水在汝陰縣北入淮新蔡為汝水所逕之上流也墳大

防釋王交荅之華傳墳大也大謂之墳故防之大者亦謂之墳字亦作墳說文墳大防也又作墳常武傳墳厓

也箋陳屯其兵於淮水大防之上釋水汝為墳郭注引三家詩作墳水經注汝水逕奇頌城而北墳水出焉世

亦謂之大隱水爾雅曰汝有墳者汝別也案墳墳字別而義實通大防即在水旁以水作墳以防作墳一也

奇頌城在今河南南陽府葉縣東北大隱水出葉縣東南流逕上蔡新蔡縣境攷二蔡文王十子蔡叔國然晉語

南

文王諷于蔡原章注蔡蔡公是文王時先有蔡國矣列
女傳稱芣苢為蔡人之妻作又陶宏景名醫別錄澤瀉
生汝南池澤汝南蔡地以此驗之汝墳正値二蔡汝過
之處序云汝墳之國其即蔡公等國歟又案汝南郡汝
陰故胡國莽曰汝墳考工記注胡胡之國在楚
妨與墳通汝水入淮淮在漢汝陰縣北汝水入淮為汝墳
猶之淮水入海為淮浦常武淮浦非漢縣之淮浦此汝墳
墳亦必非王莽之汝墳矣司馬彪續漢書郡國志劉昭
補注引地道記汝陰有陶丘鄉詩所謂汝墳恐未是○
說文云條小枝也枝木別生條也枚榦也是枝為條榦
為枚也榦者本也下章之肄亦謂斬榦也榦復生者也旱
莫莫葛藟施于條枚箋云葛也藟也延蔓於木之枝本
而茂盛鄭以條枚為枝本義同此○爾雅怒飢也傳云
飢意謂怒為飢之意非直訓怒為飢也釋文引韓詩作
憊方音惱憂也說文憊慙慙慙慙慙慙慙慙慙慙慙慙慙
李肅五音韻譜引詩作怒怒如朝飢毛詩作朝或作調其
義訓朝謂即朝之假借字古人朝飢
日暮夕食曰飢朝暮少闕是為朝飢

遵彼汝墳伐其條肄傳肄餘也斬而復生日肄既見君

子不我遐棄

傳

既已

遐遠也

疏

發傳

槩枿之假借字長

也說文槩伐木餘也引商書若顛木之有粵櫟又乃部

粵木生條也引書作粵枿今般庚篇作由槩詩之條

即書之由槩傳既訓肆為餘又申之云斬而復生曰肆

漸而復生即說文所謂伐木餘也淮南子儗真篇今夫

萬物之疏躍枝舉百事之莖葉條枿皆本於一根而條

循千萬也高注枿讀詩頌苞有三槩同說文枿古文櫟

字條枿即條肆也○傳訓既為已已為已止之已又為

已然之已雞鳴行葦公劉傳竝以已釋既也遐遠核樸

下武同正義云不我遐棄猶云不遐棄我古之人語多倒詩之此類眾矣

則如燬父母孔邇**傳**孔甚邇近也**疏**文引詩作極或作

赫左傳作窺為假借字傳文魚上當奪魴字正義有魴字可證言魴魚勞則尾赤意以魴魚之勞喻君子之勞

義引鄭眾云魚肥則尾赤以喻蒯賁淫縱左傳不言魴
魚故仲師不從毛傳耳爾雅魴魴郭注云江東呼魴魚
爲鰱一名魴邢疏引義疏云魴今伊洛濟潁頭鰱魚也廣
而薄肥話而少肉細鱗願爾雅翼云魴魴頭鰱脊博
腹色青白而味美今之魴魚也毛不言魴爲何魚者以
魴常有人其曉耳燬火釋言文釋文云燬音毀齊人謂
火曰燬字書作燬說文同○孔甚釋言文鄭羔裘小戎十
月之交同凡孔與既同義故云孔且者猶既且也云亦
孔者猶亦既也上傳既已也悉蟀傳已甚也孔者甚之
詞也邇近釋詁交東門之壇杜小旻同列女傳賢明
篇周南之妻者周南大夫之妻也大夫受命平治水土
過時不來妻恐其懈於王事蓋與其鄰人陳素所與大
夫言國家多難惟勉強之無有譴怒遺父母憂生於亂
世不得道理而迫於累虐不得行義然而仕者爲父母
在故也乃作此詩君子以是知周南之妻而能匡夫也
後漢書周磐傳磐居貧養母儉薄不危嘗誦詩至汝墳
之卒章慨然而嘆邇解章帶就孝廉之舉李賢注引韓
詩汝墳辭家也其卒章薛君章句賴赤也燬烈火也孔
甚也邇近也言魴魚勞則尾赤君子勞苦則顏色變以

王室政教如烈火矣猶觸冒而仕者以父母甚迫近飢寒之憂為此祿仕案此皆三家詩義毛意亦然也四牡傳云文王率諸侯撫叛國而朝聘平紂故汝墳之國近在典治南方之中其時婦人亦被文王之化知君子之勤勞猶勉其仕於紂朝是文王之化行也君子不以私害公不以家事辭王事

麟之趾三章章三句

麟之趾關雎之應也關雎之化行則天下無犯非禮雖

衰世之公子皆信厚如麟趾之時也疏衰世與野有外腐亂世皆謂殷

紂時

麟之趾振振公子傳興也趾足也麟信而應禮以足至

者也振振信厚也于嗟麟兮傳于嗟歎辭疏趾釋文作

足也今作趾止趾古今字止與至同故傳既釋止為足又以足至申明止足之義正義云言信而應禮則與左

氏說同以為修母致子也服虔哀十四年左傳注云視
明禮修而麟至思睿信立白虎援言從義成則神龜在
沼聽聰知正而名山出龍貌恭體仁則鳳皇來儀騶虞
傳云有至信之德則應之是與左傳說同也說者又云
人臣則修母致子應以昭二十九年左傳云水官不修
則龍不至故也人君則當方來應案孔穎達左傳疏及
禮記禮運疏引異義與此詳略不同左傳疏又云賈逵
服虔穎容等皆以孔子自衛反魯考正禮樂修春秋約
以周禮三年文成致麟麟感而至然則先儒皆主修母
致子之說矣麟為應禮之信獸詩以麟喻公子言公子
應文王之禮化其德似麟也麟依說文作麇○序云公
子皆信厚故傳以振振訓信厚般其雷振振君子謂大
夫之信厚傳訓亦同公子公之子也姓族之所自出也
二章公姓三章公族同姓族於公子者也文選謝朓入
公山詩注引韓詩章句亦云吁嗟歎辭也于吁古今字
辭當作詞歎詞美歎之詞也美歎曰嗟傷歎亦曰嗟凡
全詩歎詞有此二義或言嗟或言嗟或言嗟或言
于嗟爾雅嗟咨嗟也說文口部嗟著也言部善茲也嗟
同嗟著

麟之定振振公姓傳定題也公姓公同姓于嗟麟兮疏

定題題本作顛定本作題釋文正義皆以顛為誤疑傳
本作顛爾雅作題題顛同義而顛與定雙聲凡毛傳有
不與爾雅盡同者必於聲求義也解之者不通其例遂
據爾雅之文改毛傳之字矣爾雅釋言定題也顛頂也
車鄰傳白顛時顛也題顛頂顛義同定依聲託訓也俗
加頁作顛○古者諸侯之子為姓故與公同姓之人其姓實
公孫之子始以王父字為姓故與公同姓之子別子也公
出於公之別子為得姓之祖也公之子別子也公之子
之子繼別也至公孫之子其長子則為繼別之大宗其
庶子即為繼禰之小宗既有小宗即有庶姓五世而遷
其羣小宗各自成其庶姓而羣庶姓又壹是統於大宗
之正姓鄭注禮記大傳云姓世所由生又云姓正姓也
始祖為正姓高祖為庶姓傳云公姓公同姓者同其
姓必同其祖故唐杜杜不如我同姓傳同姓同祖也

麟之角振振公族傳麟角所以表其德也公族公同祖

也于嗟麟兮疏傳文角上麟字疑衍角之為言情也較

也定之為言顛也庭也角定皆有正直

之義此釋角爲表德而於上章之定不言經義者詳略
可互見也角德雙聲定德亦雙聲爾雅磨身牛尾一
角郭注云角頭有肉公羊傳曰有麕而角○公族猶公
姓也孫以祖字爲姓以祖字爲族隱八年左傳諸侯以
字爲諡因以爲族杜注云諸侯不賜姓其臣因氏其王
父字或便卽先人之諡稱以爲族爾雅釋親篇云父之
從祖兄弟爲族父曾祖之孫也自己而上的數至於曾此
四世稱族之義也又云父之從祖祖父爲族曾王父高
祖之子也族父之子相謂爲族兄弟高祖之玄孫也自
己而上的數至於高祖又下數至於玄孫此五世九族之
義也又云族兄弟之子相謂爲親同姓與己同出於高
祖之父此六世絕族之義也然雖絕族其庶姓猶各以
始祖之正姓爲姓卽各以始祖之命族爲族所謂同姓
從宗合族屬也故傳以同族爲同祖同祖卽同姓是姓
族皆有服內外之親也正義謂公族較親於公姓則
以公族爲親族之族而以公姓爲氏姓之姓謬矣

卷終